

sains

# KERATAN AKHBAR

## 2 OGOS 2023

NEW STRAITS TIMES

Utusan MALAYSIA

Sinar HARIAN

astro AWANI

NOGORI KITO

facebook

THE EDGE MARKETS  
MAKE BETTER DECISIONS

THE Sun

FMT news  
FREE AND INDEPENDENT

Star

Kosmo!

Metro

BERITA HARIAN

malaysiakini  
terkini untuk anda

BERNAMA

RANIA

星洲日報  
SIN CHEW DAILY

南洋商報  
NANYANG SIANG PAU

中國報  
CHINA PRESS

malaymail

## RM131j ganti paip air usang seluruh Melaka

2 OGOS 2023  
RABU



EXCO Kerja Raya, Infrastruktur, Kemudahan Awam dan Pengangkutan negeri, Datuk Hameed Mytheen Kunju Basheer.

AYER KEROH: Syarikat Air Melaka Berhad (SAMB) memperuntukkan RM131 juta bagi mengganti paip air usang di seluruh negeri, bermula tahun depan.

EXCO Kerja Raya, Infrastruktur, Kemudahan Awam dan Pengangkutan negeri, Datuk Hameed Mytheen Kunju Basheer, berkata penggantian paip sepanjang 443 kilometer (km) di seluruh Melaka itu adalah perancangan jangka panjang, manakala perancangan jangka pendek ialah penyelenggaraan berkala.

"Penyelenggaraan berkala itu di semua kawasan terbabit dengan penggantian paip berkenaan. Semua ini untuk memastikan masalah paip bocor dan pecah yang kerap sebelum ini dapat terus dikurangkan dari setahun ke setahun," katanya.

SAMBUNGAN

Beliau menjelaskan demikian pada hari kedua persidangan Dewan Undangan Negeri (DUN) Melaka di Seri Negeri, di sini hari ini bagi menjawab soalan tambahan Datuk Khaidirah Abu Zahar (BN-Rim) mengenai masalah gangguan bekalan air yang kerap di Jasin.

"Ia bukan sahaja membabitkan penggantian paip, bahkan merangkumi pengambilan tanah, turapan jalan dan utiliti lain," katanya.

Sementara itu, EXCO Sukan dan Badan Bukan Kerajaan (NGO) negeri, VP Shanmugam, berkata kerajaan negeri mencadangkan Kementerian Belia dan Sukan (KBS) menyalurkan peruntukan khas kepada negeri yang pernah menjadi tuan rumah acara Sukan Malaysia (SUKMA).

Peruntukan itu, katanya, akan digunakan untuk menjaga dan menyelenggara segala fasiliti sukan yang digunakan pada acara berprestij itu, selain mengelakkan perbelanjaan lebih besar bagi penganjuran pada masa akan datang.

"Cadangan sudah disuarakan kepada Menteri Belia dan Sukan, Hannah Yeoh, namun setakat ini belum ada sebarang keputusan. Bagaimanapun di Melaka, kita dalam proses menyerahkan semua fasiliti sukan yang ada kepada pihak berkuasa tempatan (PBT) atau pejabat daerah untuk diurus dan dijaga.

"Namun proses ini juga membabitkan peruntukan dan ia sedang diusahakan," katanya menjawab soalan tambahan Kerk Chee Yee (PH-Ayer Keroh) mengenai cara penyelesaian sistematik untuk menjaga struktur sukan di Melaka.



## PRN: Bantuan air percuma antara manifesto PN Selangor diumumkan Jumaat ini

2 OGOS 2023  
RABU



Muhyiddin - Foto Bernama

HULU SELANGOR - Perikatan Nasional (PN) dijadual mengumumkan manifesto bagi Selangor pada Jumaat ini sebagai tawaran kepada pengundi-pengundi di negeri itu dalam pilihan raya negeri (PRN), 12 Ogos akan datang.

Menurut Pengerusi PN, Tan Sri Muhyiddin Yassin, ini sekali gus menafikan dakwaan bahawa gabungan itu tidak mempunyai idea untuk membentangkan tawaran kepada para pengundi.

SAMBUNGAN

Jelas Muhyiddin, manifesto yang akan diumumkannya itu disifatkan sebagai 'game changer' kepada Negeri Selangor.

"Saya baru tadi (Selasa) duduk dengan beberapa kawan-kawan saya dalam jawatankuasa nak meneliti persiapan manifesto.

"Saya rasa yang akan saya umumkan ini sesuatu yang bukan sahaja menarik tetapi satu 'game changer' yang boleh meningkatkan Negeri Selangor dan juga kedudukan rakyat Selangor kepada satu tahap yang lebih tinggi," katanya ketika berucap pada Ceramah Umum DUN Hulu Bernam di sini pada Selasa malam.

Presiden Parti Pribumi Bersatu Malaysia (Bersatu) itu menambah, manifesto tersebut antaranya dijangka meliputi pemberian bantuan langsung kepada golongan kurang berkemampuan termasuk miskin dan miskin tegar.

"(Manifesto) ini dapat memberikan bantuan-bantuan langsung dan tidak langsung, menyediakan bantuan prihatin, kemudahan untuk anak-anak muda, wanita, orang tua, dewasa dan pelbagai lagi.

"... yang saya teliti tadi agak cukup elok, dan kita akan umumkan pada Jumaat malam akan datang. Ia jelas apa yang termaktub dalam itu termasuk antara lain soal pemberian air secara percuma bagi sesetengah kategori penduduk di Negeri Selangor," jelas Muhyiddin lagi.